

CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E ALDEAS INFANTILES SOS - GALICIA, PARA A PROMOCIÓN E O APOIO AO ACOLLEMENTO FAMILIAR ESPECIALIZADO CON DEDICACIÓN EXCLUSIVA DE NENOS, NENAS E ADOLESCENTES EN SITUACIÓN DE DESPROTECCIÓN, NO MARCO DO PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA – NEXTGENERATIONEU.

Santiago de Compostela, *(na data da sinatura dixital)*

REUNIDOS

Dunha banda, dona (...), conselleira de Política Social e Xuventude, actuando en nome e representación da Consellería de Política Social e Xuventude, no uso das facultades que lle veñen atribuídas no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, o Decreto 60/2022, do 15 de maio, do seu nomeamento, o Decreto 59/2023, do 14 de xuño, polo que se establece a estrutura orgánica da Xunta de Galicia, o Decreto 79/2023, do 22 de xuño, polo que se fixa a estrutura orgánica das vicepresidencias e das consellerías da Xunta de Galicia e o Decreto 124/2022, do 23 de xuño, polo que se fixa a estrutura orgánica da Consellería de Política Social e Xuventude, e o acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares, publicado no *Diario Oficial de Galicia* por Resolución de 8 de abril de 1991.

E doutra, don (...) con NIF (...), director territorial de la Comunidad Autónoma de Galicia de Aldeas Infantiles SOS Galicia, con NIF (...), e domicilio social en 2ª Travesía Barrio Ribadavia 1-4º, Vigo, Pontevedra, actuando en calidade de representante legal da entidade en virtude da escritura de apoderamento outorgada ante o Notario (...), con número de protocolo 1230 de data 12/06/2015.

Ambas as dúas partes interveñen no nome e representación dos seus respectivos órganos e

entidades no exercicio das competencias que lles están legalmente atribuídas, recoñecéndose mutua e reciprocamente capacidade para obrigarse mediante o presente convenio nos termos que nel se conteñen e, para o efecto,

EXPOÑEN

Primeiro.- As Administracións públicas poden celebrar convenios de colaboración con outras entidades públicas así como con persoas xurídicas suxeitas ao dereito privado ao abeiro do disposto na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, na Lei 40/2015, de 1 de outubro, de Réxime Xurídico do Sector Público, capítulo VI do Título preliminar e máis o Acordo do Consello da Xunta do 27 de marzo de 1991, sobre convenios de cooperación con outros entes públicos e de colaboración con particulares, feito público por Resolución da Consellería de Economía e Facenda do 8 de abril de 1991.

Segundo.- A Constitución española dispón no artigo 39, entre os principios reitores da política económica e social, o apoio dos poderes públicos para asegurar a protección social, económica e xurídica da familia, sinalando igualmente que as persoas menores deberán gozar da protección prevista nos acordos internacionais, entre os que deben incluírse os dereitos recoñecidos á infancia pola Convención sobre os Dereitos do Neno, aprobada pola Asemblea Xeral das Nacións Unidas o 20 de novembro de 1989 e en vigor en España desde o 5 de xaneiro de 1991.

Terceiro.- A Comunidade Autónoma de Galicia ostenta competencias exclusivas en materia de asistencia social, de conformidade co disposto no artigo 27.23 do Estatuto de autonomía de Galicia e nos Reais Decretos de Transferencia 2411/1982, do 24 de xullo e 534/1984, do 25 de xaneiro. En virtude da dita competencia aprobáronse a Lei 13/2008, do 3 de decembro de servizos sociais de Galicia e a Lei 3/2011, do 30 de xuño, de apoio á familia e á convivencia de

Galicia.

Cuarto.- A Consellería de Política Social e Xuventude ten asumida segundo o artigo 14. 1. b) do Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, a protección e a tutela das persoas menores en situación de risco ou desamparo nos termos establecidos no Código Civil, na Lei Orgánica 1/1996, do 15 de xaneiro, de protección xurídica do/da menor, de modificación parcial do Código Civil e da Lei de Axuizamento Civil e no ámbito da Comunidade Autónoma de Galicia a Lei 3/2011, do 30 de xuño, de apoio á familia e á convivencia de Galicia, o Decreto 42/2000 do 7 de xaneiro, polo que se refunde a normativa reguladora vixente en materia de familia, infancia e adolescencia, modificado polo Decreto 406/2003, do 29 de outubro, na Lei Orgánica 8/2015, de 22 de xullo de modificación do sistema de protección á infancia e adolescencia, a Lei 26/2015, de 28 de xullo de modificación do sistema de protección á infancia e á adolescencia e na Lei Orgánica 8/2021 do 4 de xuño, de protección integral á infancia fronte á violencia.

Quinto.- Aldeas Infantiles SOS Galicia é unha entidade de natureza asociativa con personalidade xurídica propia e plena capacidade xurídica e de obrar inscrita no Rexistro de asociacións co número 2005/008612-1 declarada de utilidade pública en virtude da Orde Ministerial de 24 de novembro de 2000 de conformidade co disposto no artigo 32 da Lei orgánica 1/2002, do 22 de marzo, reguladora do dereito de asociación, con todos os dereitos establecidos no artigo 33 desta lei. Así mesmo, figura inscrita no Rexistro Único de Entidades Prestadoras de Servizos Sociais da Consellería de Política Social e Xuventude co número E-3013.

Así, conforme o artigo 5 dos estatutos da Asociación, que foron obxecto de modificacións acordadas na Asamblea General Extraordinaria de 1 de abril de 2020, os obxectivos da Asociación son os seguintes:

1. Atender a nenos, nenas e adolescentes que se atopen en situación de vulnerabilidade impulsando o seu desenvolvemento e autonomía mediante o acollemento en entornos familiares protectores e o fortalecemento das súas redes familiares, sociais e comunitarias.

2. Organizar e promover, previa autorización da Asociación Aldeas Infantiles SOS de España, Aldeas Infantiles SOS e outros Programas destinados a facilitar a integración familiar, social e laboral dos nenos, nenas e adolescentes que perderon o coidado parental ou están en risco de perdelo.
3. Proporcionar axuda e asesoramento ás familias dos nenos, nenas e adolescentes que atende, a fin de posibilitarlles un entorno familiar protector.
4. Exercer a función de modelo en métodos innovadores na asistencia de nenos, nenas e adolescentes, promovendo para elo, a formación, a investigación e a edición de publicacións de libros e outros materiais.
5. Potenciar a presenza do voluntariado nas actividades que Aldeas Infantiles SOS requira.
6. Financiar proxectos de Cooperación Internacional para o Desenvolvemento, a través de Aldeas Infantiles SOS de España, especialmente nas poboacións do mundo máis desfavorecidas, e cun especial interese na infancia.
7. Difundir os valores e metodoloxía que inspiran a Aldeas Infantiles SOS, sensibilizando á sociedade dos fins que se perseguen cos mesmos.
8. Promover a toma de conciencia pública en cuestións relativas ás necesidades dos nenos, nenas e adolescentes, así como defender e fomentar os dereitos destes en todo o mundo.

Sexto.- O acollemento familiar pode definirse como aquel recurso de protección temporal e revogable, orientado ao coidado de menores que se atopan privados, aínda que sexa circunstancialmente, dunha axeitada atención e que consiste en confiar o coidado dun neno ou adolescente a unha persoa ou familia que reúna as condicións persoais, educativas e materiais necesarias para proporcionarlle unha vida familiar.

É un recurso de protección que implica a separación do menor dos seus proxenitores/titores e a asunción dos seus coidados por unha persoa ou familia distinta, con vínculos de parentesco como familia extensa ou sen eles como familia allea.

Todos os menores en acollemento familiar estarán baixo unha medida de protección de tutela ou garda, adoptada pola xefatura territorial da Consellería de Política Social e Xuventude ou polo xuíz, conforme o establecido no Código Civil e na Lei 2/2006, do 14 de

xuño, de dereito civil de Galicia.

As situacións que poden dar orixe a un acollemento familiar son:

- Menores declarados en desamparo. A Xunta de Galicia a través da Consellería de Política Social e Xuventude asume a tutela e delega a garda do neno ou adolescente na familia acolledora.
- Menores en garda administrativa ou xudicial, a solicitude dos seus pais ou titores cando por circunstancias graves non podan coidalos (e así o estime a Entidade Pública) ou porque así o determine o xuíz. A Administración asume a garda do menor e a delega na familia acolledora.

A través da medida de acollemento familiar, exércese a garda do menor pola persoa ou núcleo familiar acolledor, tendo a obriga de velar por el, telo na súa compañía, alimentalo, educalo e procurarlle unha formación integral.

A Declaración dos Dereitos do Neno aprobada pola Asemblea Xeral das Nacións Unidas o 20 de novembro de 1989 recoñece no seu preámbulo que o neno, para o pleno e harmonioso desenvolvemento da súa personalidade, debe crecer no seo dunha familia, nun ambiente de felicidade, amor e comprensión.

A modificación do sistema de protección á infancia e á adolescencia levada a cabo polo lexislador estatal no ano 2015, pon especial énfase na regulación do acollemento familiar co fundamento de que o menor necesita un ambiente familiar para un adecuado desenvolvemento da súa personalidade, e establece a prioridade sobre o acollemento residencial para calquera menor e especialmente para os menores de 6 anos. Así mesmo se determina que non se pode acordar o acollemento residencial para menores de 3 anos, agás supostos de imposibilidade de adoptar nese momento a medida de acollemento familiar ou cando este non conveña ao seu interese.

Todo o anterior determina a necesidade de contar con familias dispostas a asumir o reto que supón o acollemento familiar e a obriga das Entidades Públicas de fomentar a difusión, promoción e formación en relación con este recurso de protección.

Neste marco, a experiencia neste tipo de acollementos revela a necesidade de establecer unha nova modalidade de acollemento familiar que, mantendo as vantaxes que supón para os

nenos, nenas e adolescentes vivir nun entorno familiar, permita que menores con especiais problemas condutuais ou con necesidades ou circunstancias especiais sexan tratados con plena dispoñibilidade e garantías de recuperar ou beneficiar ao menor, ao contar algún dos membros da unidade familiar acolledora cunha cualificación profesional, experiencia ou formación específicas.

Sétimo.- A Consellería de Política Social e Xuventude considera prioritario potenciar este tipo de actuacións e está interesada en fomentar actividades directamente ligadas coa consecución da promoción e o apoio ao acollemento familiar especializado de nenos, nenas e adolescentes en situación de desprotección, e así, garantir o dereito dos/as nenos, nenas e adolescentes a vivir nunha familia, por ser o medio óptimo para o seu desenvolvemento.

A Consellería de Política Social e Xuventude considera de especial importancia favorecer as actuacións de Aldeas Infantiles SOS Galicia de promocionar e apoiar ao acollemento familiar especializado de nenos, nenas e adolescentes en situación de desprotección a través da concesión directa dunha subvención pública.

Neste sentido, é preciso salientar que o acollemento familiar especializado é unha nova e moi específica modalidade de acollemento, e que actualmente Aldeas Infantiles SOS Galicia é a única entidade a nivel autonómico que ofrece un proxecto que promocioe e preste apoio ao acollemento familiar especializado con dedicación exclusiva de nenos, nenas e adolescentes en situación de desprotección, financiada ademáis en parte pola propia entidade.

Tendo en conta as consideracións precedentes, pódese afirmar que a entidade Aldeas Infantiles SOS Galicia é idónea pola súa experiencia, sendo así mesmo a única entidade na Comunidade Autónoma de Galicia que desenvolve un proxecto no ámbito da promoción e do apoio ao acollemento familiar especializado con dedicación exclusiva de nenos, nenas e adolescentes en situación de desprotección.

Oitavo.- O artigo 96.2 da Lei 3/2011, do 30 de xuño, de apoio á familia e á convivencia de Galicia recolle a posibilidade de colaboración con entidades privadas sen ánimo de lucro para a atención a menores.

Noveno.- De acordo co artigo 2.1.c) da Lei 9/2007, do 13 de xuño, de subvencións de Galicia, a actuación financiada ten por obxecto o fomento e desenvolvemento dunha actividade de interese social. Ademais, o artigo 19.4.c) da mesma lei establece que, con carácter excepcional, subvencionaranse aquelas actuacións que acrediten razóns de interese social e humanitario.

Décimo.- A concesión da subvención directa a través deste convenio financiarase con fondos do Mecanismo de Recuperación e Resiliencia da Unión Europea, establecido polo Regulamento (UE) 2020/2094 do Consello, do 14 de decembro de 2020, polo que se establece un Instrumento de Recuperación da Unión Europea para apoiar a recuperación tras a crise da COVID-19, está regulado segundo o Regulamento (UE) 2021/241, do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia (MRR), Decisión do Consello de Europa, do 16 de xuño de 2021, polo que se aproba o o Plan de Recuperación, Transformación e Resiliencia de España (PRTR), o Real decreto lei 36/2020, do 30 de decembro, polo que se aproban medidas urxentes para a modernización da Administración pública e para a execución do PRTR, a Lei 9/2021, do 25 de febreiro, de simplificación administrativa e de apoio á reactivación económica de Galicia, a Orde HFP/1030/2021, do 29 de setembro, pola que se configura o sistema de xestión do PRTR, Orde HFP/1031/2021, do 29 de setembro, pola que se establece o procedemento e formato da información a proporcionar polas Entidades do Sector Público Estatal, Autonómico e Local para o seguimento do cumprimento de fitos e obxectivos e de execución orzamentaria e contable das medidas dos compoñentes do PRTR e o Regulamento (UE, Euratom) 2018/1046, do 18 de xullo de 2018, do Parlamento Europeo e do Consello, sobre as normas financeiras aplicables ao orzamento xeral da Unión, polo que se modifican os Regulamentos (UE) nº.1296/2013, (UE) nº. 1301/2013, (UE) nº. 1303/2013, (UE) nº. 1304/2013, (UE) nº. 1309/2013, (UE) nº. 1316/2013, (UE) nº. 223/2014 e (UE) nº. 283/2014 e a Decisión nº. 541/2014/UE e polo que se derroga o Regulamento (UE, Euratom) nº. 966/2012 (Regulamento Financeiro).

Décimo primeiro.- A concesión directa da subvención a través do convenio está amparada no

proxecto número 7 (Modernización, dixitalización e mellora dos servizos de protección, atención e acollemento da infancia) incluído no anexo I do Convenio de colaboración entre o Ministerio de Derechos Sociales y Agenda 2030 e a Comunidade Autónoma de Galicia, asinado o 27 de agosto de 2021 e publicado no Boletín Oficial del Estado nº 230 do 25/09/2021, por Resolución do 11 de setembro de 2021 da Secretaría de Estado de Derechos Sociales, para a execución de proxectos con cargo aos fondos europeos procedentes do Mecanismo para a Recuperación e Resiliencia (MRR). Esta actuación encaixa na liña de investimento I2 (Plan de Modernización dos Servizos Sociais: Transformación tecnolóxica, innovación, formación e reforzo da atención á infancia) do Compoñente 22 "Plan de choque para a economía dos coidados e reforzo das políticas de igualdade e inclusión" do dito Plan de Recuperación, Transformación e Resiliencia.

No citado proxecto nº 7 inclúense actuacións de promoción e fomento do acollemento familiar a través de campañas de difusión do acollemento dirixidas directamente ás potenciais familias acolledoras, a través doutras familias que xa teñan experiencia neste recurso, para favorecer o contacto directo e o intercambio real de experiencias que fomenten novas participacións. O fito da Proposta de decisión de execución do Consello relativa á aprobación da avaliación do plan de recuperación e resiliencia de España, de 16 de xuño de 2021, Comisión Europea COM(2021) 322, ao que contribúe é o Fito 325 (Execución de proxectos para a transformación tecnolóxica dos servizos sociais e para a modernización das infraestruturas e os servizos asociados á protección residencial e as familias de acollida) , cuxo prazo de cumprimento previsto é o 4º trimestre de 2023.

Non obstante o anterior, ditouse o 9 de outubro de 2023 un anexo á antedita Proposta polo que se modifica a Decisión de Execución do Consello (UE) (ST 10150/2021; ST 10150/2021 ADD 1 REV 1), de 13 de xullo de 2021, relativa á aprobación da avaliación do plan de recuperación e resiliencia de España, en virtude do cal se estende o Fito 325 ata o 4º trimestre do 2025.

Esta modificación permite a posibilidade de estender no tempo máis do inicialmente previsto o emprego dos fondos do Mecanismo de Recuperación e Resiliencia para actuacións como as que son obxecto deste convenio, neste caso durante os primeiros catro meses do ano 2024.

En virtude do exposto, ambas as dúas partes outorgan e subscriben de mutuo acordo o

presente convenio de colaboración que desenvolverase de acordo coas seguintes:

CLÁUSULAS

PRIMEIRA.- OBXECTO

1. O obxecto do presente convenio é contribuir a través da concesión directa dunha subvención ao financiamento durante os meses de xaneiro a abril de 2024 por parte da Consellería de Política Social e Xuventude da Xunta de Galicia, das actuacións que Aldeas Infantiles SOS Galicia desenvolve para promocionar e apoiar ao acollemento familiar especializado con dedicación exclusiva de nenos, nenas e adolescentes en situación de desprotección.

2. A actividade de Aldeas Infantiles SOS Galicia, que conta ademais co financiamento da Consellería de Política Social e Xuventude, a través dos fondos do Mecanismo de Recuperación e Resiliencia procedente de fondos europeos, segundo convenio asinado ao efecto con data do 27/08/2021 entre a entón Consellería de Política Social e o Ministerio de Derechos Sociales y Agenda 2030, exclúe o ánimo de lucro e non pode satisfacerse axeitadamente mediante a celebración dun contrato dos recollidos na Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

SEGUNDA.- PERSOAS BENEFICIARIAS DAS ACTIVIDADES SUBVENCIONABLES

1. As persoas beneficiarias directas das actividades subvencionables son:

a) Os nenos, nenas e adolescentes que están baixo unha medida de protección e requiren dunha atención psicoeducativa especializada e intensiva, mediante un modelo de acompañamento individualizado e permanente. Inclúense grupos de irmáns e irmás, especialmente aqueles en os que hai un ou unha menor de seis anos, ou maiores de seis anos con algún tipo de discapacidade, problemas de saúde que conlevan dificultades na autonomía

persoal ou requiran de coidados especializados para a súa adecuada atención, ou con problemas de conduta, adaptación social ou emocionais.

b) As familias acolledoras, as cales terán consigo aos nenos, nenas e adolescentes en acollemento familiar, por medio da formalización dun contrato de acollemento coa entidade pública competente. O acollemento realizarase nunha vivenda xunto cunha familia acolledora e terá o matiz de especializado xa que algunha das persoas acolledoras dispoñerá de cualificación, experiencia profesional/laboral ou formación específica para desempeñar esta función respecto de nenos, nenas e adolescentes con necesidades ou circunstancias especiais, con plena dispoñibilidade. Percibirá por iso a correspondente compensación económica e ao tratarse dun labor especializado establecerá unha relación contractual ou outra fórmula xurídica coa Consellería de Política Social e Xuventude.

c) As persoas da familia de orixe nas que se declarou unha medida de desamparo ou respecto a os seus fillos e fillas, entendendo que esa medida prodúcese por mor do incumprimento ou da imposibilidade e inadecuado desempeño dos deberes de protección no exercicio da garda dos nenos, nenas e adolescentes.

2. Considéranse beneficiarias indirectas todas aquelas persoas que, a través das accións de sensibilización das campañas, realicen consultas acerca desta medida de protección.

TERCEIRA. CONTIDO E OBXECTIVOS DAS ACTUACIÓNS SUBVENCIONABLES

1. As actuacións que Aldeas Infantiles SOS Galicia desenvolve para promocionar e apoiar ao acollemento familiar especializado con dedicación exclusiva de nenos, nenas e adolescentes en situación de desprotección á súa vez se concreta no desenvolvemento dos seguintes servizos:

a) Sensibilización e información sobre o acollemento familiar. Accións que axuden a xerar unha cultura do acollemento en familia e a darlle unha maior visibilidade na sociedade.

b) Captación, estudo e valoración das familias acolledoras.

c) Realización de procesos de selección para adecuación do perfil dos nenos, nenas e adolescentes coa familia acolledora.

d) Intervención con familias de orixe. Ademais de integrar á familia de orixe no proceso de



acollemento, realízase unha intervención para tentar eliminar as causas que deron lugar á medida de amparo por parte da entidade pública e, por tanto, favorecer a reintegración familiar dos nenos, nenas e adolescentes en acollemento, sempre que sexa posible.

e) Acompañamento aos nenos, nenas e adolescentes nas visitas coas súas familias de orixe, facilitando espazos de relación lexítima (sexa presencial ou simbólica).

f) Atención, orientación e asesoramento ás familias acolledoras. Acompañamento técnico a fin de facilitar a súa adaptación e integración no novo contexto familiar, así como proporcionarlles apoio durante o proceso de acollemento e nas situacións de crises que poidan aparecer. Servizo de formación que proporciona estratexias que lles permitan construír un vínculo seguro cos nenos, nenas e adolescentes, responde a preguntas crave sobre a crianza e o desenvolvemento, e manexa dificultades que poidan xurdir no proceso de acollida.

g) Grupos de apoio e autoaxuda coas familias acolledoras, de orixe e cos nenos, nenas e adolescentes. Estes espazos posibilitan espazos onde poidan compartir as súas experiencias, a que se axuden na resolución de dificultades e adquiran habilidades e capacitación para facer fronte ao proceso de acollemento, proporcionando con iso seguridade ante as dificultades que afrontan día a día.

h) Respiros familiares. Realización de campamentos e actividades lúdicas e educativas cos nenos, nenas e adolescentes, á vez que se proporciona ás familias espazos de descanso.

i) Apoio á emancipación de mozos acollidos e acollidas. A entidade acompaña neste proceso con formación e asesoramento de profesionais, desde recursos propios ou externos.

j) Mellora continua das competencias dos equipos de traballo.

2. Así, os obxectivos de cada un dos ámbitos das actuacións subvencionables son:

a) No ámbito das accións de divulgación:

1º. Informar e sensibilizar acerca da necesidade de contar con familias acolledoras especializadas dispostas a ofrecer unha nova oportunidade de convivencia familiar a nenos, nenas e adolescentes con necesidades educativas especiais ou a grupos de irmáns (nos que un deles sexa menor de seis anos) que actualmente estean baixo unha medida de acollemento



residencial.

2º. Obter notoriedade e visibilidade, mediante a cobertura mediática e difusión da colaboración entre a Xunta de Galicia e Aldeas Infantiles SOS Galicia, así como do compromiso conxunto á hora de ofrecer á infancia en protección a modalidade de coidado que mellor se adapte ás súas necesidades.

3º. Lograr a captación de familias e a creación dunha rede de familias acolledoras implicadas e comprometidas coa infancia.

b) No ámbito da intervención:

1º. Os obxectivos xerais da intervención son:

- Procurar contornas familiares protectoras no contexto do acollemento familiar a nenos, nenas e adolescentes en situación de desprotección ou risco grave. Lévese a cabo mediante o acompañamento, asesoramento e apoio ás familias; promovendo vínculos afectivos seguros, onde os nenos, nenas e adolescentes, as súas familias de orixe e as familias acolledoras sexan os principais protagonistas.
- Acompañar aos nenos, nenas e adolescentes na construción dunha identidade integral positiva, asegurando que os vínculos afectivos cos que crecen son suficientemente seguros, que poden ter unha boa mirada sobre si mesmos e sobre si mesmas, e dar sentido á súa realidade da maneira máis axustada posible.
- Apoiar á familia de orixe na superación de factores de risco e dificultades que limitan o exercicio do seu rol parental, favorecendo o vínculo e, na medida do posible, a reintegración familiar.
- Acompañar ás familias acolledoras nas pautas de crianza desde o desenvolvemento das súas competencias e desde o bo trato á infancia, promovendo as súas potencialidades e os factores de protección.
- Facilitar o acceso dos nenos, nenas e adolescentes e as familias á rede social e comunitaria onde poidan obter os recursos suficientes en beneficio do seu desenvolvemento persoal. É necesario que os nenos, nenas e adolescentes e as familias se sintan acompañados e acompañadas coa existencia e a accesibilidade ao recurso e que esta relación de axuda lles xenere tranquilidade durante o proceso de acollemento.

- Desenvolver a implementación e sistematizar o acollemento familiar especializado con dedicación exclusiva como unha medida de coidado alternativo na Comunidade Autónoma de Galicia, ao amparo de estándares de calidade.

2º. Os obxectivos específicos da intervención son:

- Crear un banco de familias acolledoras especializadas con dedicación exclusiva que cumpran os requisitos do perfil.
- Promover a boa relación entre a familia acolledora e a familia de orixe, na medida do posible e buscar a súa reintegración se se puidese.
- Propoñer o establecemento e formalización de Acollementos Familiares Especializados con Dedicación Exclusiva.
- Comprobar os avances no traballo realizado cara ao cumprimento dos obxectivos marcados no Plan Individualizado de Intervención e detectar indicadores de risco no desenvolvemento do acollemento sobre os que poder intervir.
- Reducir a incerteza ante a nova situación dos nenos, nenas e adolescentes, subliñar os aspectos positivos do acollemento familiar, axustar as expectativas, manter o vínculo, e elaborar a despedida.
- Traballar para a reparación do dano e creación de vínculos positivos nos nenos, nenas e adolescentes.

CUARTA.- COMPROMISOS DE ALDEAS INFANTILES SOS- GALICIA

En cumprimento do artigo 11 da Lei 9/2007, do 13 de xuño, de subvencións de Galicia, e do Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia, son obrigas da entidade beneficiaria:

- a) Cumprir os requisitos para obter a condición de beneficiario estipulados no artigo 10 da Lei 9/2007, do 13 de xuño.
- b) Cumprir todos e cada un dos obxectivos, actividades e proxectos; adoptar os comportamentos que fundamentaron a concesión da subvención e cumprir os

compromisos asumidos con motivo desta. Noutro caso, procederá o reintegro total ou parcial, atendendo aos criterios establecidos no convenio.

c) Xustificar ante o órgano que concede a subvención, o cumprimento dos requisitos e das condicións, así como a realización da actividade e o cumprimento da finalidade que determinen a concesión ou o gozo da subvención.

d) Someterse ás actuacións de comprobación, que efectuará o órgano que concede a subvención, así como a calquera outra actuación de comprobación e control financeiro, que poidan realizar os órganos de control competentes, tanto autonómicos coma estatais ou comunitarios, para o que se achegará canta información lle sexa requirida no exercicio das actuacións anteriores.

e) Comunicarlle ao órgano que concede a subvención a obtención doutras subvencións, axudas, ingresos ou recursos para a mesma finalidade, procedentes de calquera administración ou entes públicos ou privados, nacionais, da Unión Europea ou de organismos internacionais, así como a modificación das circunstancias que fundamentasen a concesión da subvención. Esta comunicación deberá efectuarse no momento no que se coñeza e, en todo caso, con anterioridade á xustificación da aplicación dada aos fondos percibidos.

f) Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos polas bases reguladoras das subvencións, coa finalidade de garantir o axeitado exercicio das facultades de comprobación e control.

g) Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control. De conformidade co artigo 22.2.f) do Regulamento (UE) 2021/241, do 12 de febreiro, polo que se establece o MRR é preceptiva a conservación da dita documentación durante un período de 5 anos, desde o pagamento do saldo, ou a falta deste pagamento, da operación.

h) Incluir na publicidade e en todo tipo de documentación e información relacionada coas actividades obxecto do convenio e nos lugares onde estas se realicen: Subvencionado pola Xunta de Galicia – Consellería de Política Social e Xuventude, co seu respectivo logotipo.

Segundo a cláusula novena da Resolución de 11 de setembro de 2021, da Secretaría de Estado de Dereitos Sociais, pola que se publica o Convenio coa Comunidade Autónoma de Galicia, para a execución de proxectos con cargo aos fondos europeos procedentes do Mecanismo para a Recuperación e Resiliencia, os asinantes comprométese a destacar, en cantas actividades realicen para a difusión das accións previstas no presente Convenio, o financiamento efectuado pola Administración Xeral do Estado, así como facelo constar en cuantos materiais se reproduzan e utilicen para a difusión ou publicidade do convenio financiado, de acordo co establecido no «Manual de imaxe Institucional da Administración Xeral do Estado».

Adicionalmente, os asinantes farán mención da orixe deste financiamento e velarase por darlle visibilidade, mediante o emblema da Unión e unha declaración de financiamento adecuado que indique financiado pola Unión Europea-NextGenerationEU, en particular cando promovan as accións e os seus resultados, facilitando información coherente, efectiva e proporcionada dirixida a múltiples destinatarios, incluídos os medios de comunicación e o público. Esta publicidade realizarase de conformidade co establecido no artigo 34.2 do Regulamento (UE) 2021/241 e conforme ao establecido no Manual de Marca do Plan de Recuperación, Transformación e Resiliencia confeccionado pola Secretaría de Estado de Comunicación.

i) Asemade Aldeas Infantiles SOS Galicia deberá cumprir a obriga de subministrar á Consellería de Política Social e Xuventude a través da Dirección Xeral con competencias en materia de familia, infancia e dinamización demográfica, toda a información necesaria para o cumprimento polas entidades das obrigas previstas na Lei 1/2016, do 18 de xaneiro, de conformidade co disposto no artigo 4 da dita lei.

j) Subministrar toda a información que lle sexa requirida pola Intervención Xeral da

Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino das axudas.

k) Proceder ao reintegro dos fondos percibidos nos supostos previstos no artigo 33 da Lei 9/2007, do 13 de xuño, e artigo 74 e seguintes do Decreto 11/2009, do 8 de xaneiro. Asemade a entidade deberá cumprir a obriga de subministro de información nos termos establecidos no artigo 4 da Lei 1/2016, do 18 de xaneiro, de transparencia e bo goberno.

l) Elaborar e publicar unha memoria resumo das actividades realizadas, dentro do mes seguinte á finalización da execución das actuacións subvencionables, que debe incluír os seguintes apartados:

1º. Actividades realizadas.

2º. Recursos económicos, materiais e de persoal empregados.

3º. Valoración global.

4º. Accións de innovación e investigación.

m) Presentar a declaración de ausencia de conflito de intereses (DACI), nos termos indicados no Anexo IV conforme ao previsto na Orde HFP/55/2023, de 29 de xaneiro, relativa á análise sistemática do risco de conflito de interese nos procedementos que executan o Plan de Recuperación, Transformación e Resiliencia.

n) Etiquetado verde e dixital: En aplicación dos artigos 2.2.b) e 4 da Orde HFP/1030/2021, deberán preverse medidas para cumprir o compromiso de etiquetado verde e dixital previsto (para cada compoñente) no PRTR, con base no Regulamento (UE) 2021/241. As reformas e investimentos propostos no compoñente 22 contribúen nun 100% ao obxectivo de integración do clima e nun 40%, ao obxectivo medioambiental, segundo define o ámbito de intervención 026 "Renovación da eficiencia enerxética das infraestruturas públicas, proxectos de demostración e medidas de apoio". Así mesmo, a liña de compoñente 22 investimento 2 inclúe a transformación tecnolóxica dos servizos sociais e as entidades do terceiro sector de

acción social e a dixitalización das infraestruturas de protección residencial de nenos, nenas e adolescentes, en especial con necesidades especiais ou migrantes non acompañadas. A esta liña aplícase o campo de intervención 11, "Solucións de TIC para a Administración, servizos electrónicos, aplicacións", cun coeficiente de 100% en canto á transición dixital.

ñ) A execución do MRR exige o compromiso no cumprimento do principio horizontal de "non causar prexuízo significativo" que define o artigo 2.6) do Regulamento (UE) 2021/241, respecto dos 6 obxectivos medioambientais recollidos no artigo 5 da Orde HFP/1030/2021 e definidos no Regulamento (UE) 2020/852 (Regulamento de taxonomía da UE).

o) Desenvolver as actuacións subvencionadas por este convenio tendo en conta a lexislación vixente en materia de protección de menores e a primacía do superior interese da persoa moza sobre calquera outro.

QUINTA.- REQUISITOS EN RELACIÓN COA IDENTIFICACIÓN DO PERCEPTOR FINAL DE FONDOS (Art. 8 da Orde HFP/1030/2021, do 29 de setembro, pola que se configura o sistema de xestión do Plan de Recuperación, Transformación e Resiliencia)

En cumprimento do mandato establecido no artigo 22.2.d) do Regulamento (UE) 2021/241 e consonte ao artigo 8 da Orde HFP/1030/2021, o órgano conveniente recadará da entidade conveniente, a seguinte información:

- a) NIF do beneficiario.
- b) Nome da persoa física ou razón social da persoa xurídica.
- c) Domicilio fiscal da persoa física ou xurídica.
- d) Aceptación da cesión de datos entre as Administracións Públicas implicadas para dar cumprimento ao previsto na normativa europea que é de aplicación e de conformidade coa Lei Orgánica 3/2018, do 5 de decembro, de Protección de Datos Persoais e garantía dos dereitos

dixitais (Anexo II).

e) Declaración responsable relativa ao cumprimento dos principios transversais establecidos no PRTR e que puidesen afectar o ámbito obxecto de xestión (Anexo III).

f) Os beneficiarios que desenvolvan actividades económicas acreditarán a inscrición no Censo de empresarios, profesionais e retenedores da Axencia Estatal de Administración Tributaria ou no censo equivalente da Administración Tributaria Foral, que debe reflectir a actividade económica efectivamente desenvolvida á data de solicitude da axuda.

SEXTA.-PERSOAL PARA O DESENVOLVEMENTO DAS ACTUACIÓNS SUBVENCIONABLES

Para o desenvolvemento das actuacións subvencionables, Aldeas Infantiles SOS- Galicia disporá de persoal especializado nesta área de actuación.

O persoal que Aldeas Infantiles SOS- Galicia poña a disposición destas actuacións en ningún caso poderá actuar baixo a dependencia da Consellería de Política Social e Xuventude, debendo ser a citada entidade a que imparta as oportunas ordes aos seus traballadores e a que ostente respecto destes o correspondente poder de dirección, conservando os dereitos, obrigas, riscos e responsabilidades inherentes a súa condición de empregador.

A formalización do presente convenio non implicará relación laboral ou de calquera outra natureza entre as persoas que o desenvolvan e a Consellería de Política Social e Xuventude, polo que non se lle poderá esixir a esta, responsabilidade ningunha por estes conceptos, nin directa nin subsidiaria.

SÉTIMA.- CONDICIÓNS ECONÓMICAS

1. Os gastos totais derivados do desenvolvementos das actuacións obxecto de subvención ascenden a unha contía global de 152.513,51 €. A Consellería de Política Social e Xuventude contribuirá ao financiamento das actuacións que se subvencionan a través do convenio cunha contía de cento vinte e seis mil tres centos sesenta e catro euros con sesenta céntimos (126.364,60 €) con cargo a fondos procedentes do MRR, no marco do Plan de Recuperación,

Transformación e Resiliencia – Financiado pola Unión Europea – NextGenerationEU, segundo o Convenio asinado ao efecto con data do 27/08/2021 entre a Consellería de Política Social e o Ministerio de Derechos Sociales y Agenda 2030 e con cargo á aplicación orzamentaria 11.02.312B.481.00 código de proxecto 2021 177 na que existe crédito axeitado e suficiente para este fin.

A subvención límtase á financiación dos gastos que aparecen desagregados no Anexo I e en ningún caso supón beneficio económico para a entidade conveniente.

Así mesmo, Aldeas Infantiles SOS Galicia comprométese a achegar a cantidade de vinte e seis mil cento corenta e oito euros con noventa e un céntimos (26.148,91 €) procedentes de fondos propios da entidade e/ou de subvencións recibidas por esta.

As ditas cantidades destinaranse a soportar os gastos que aparecen desagregados no dito anexo I. Non obstante, poderanse admitir variacións no importe de cada unha das partidas sinaladas, sempre que a cantidade total achegada por cada unha das partes no convenio non varíe.

2. O pagamento da subvención realizarase a Aldeas Infantiles SOS Galicia, en aplicación dos artigos 62 e 63 do Decreto 11/2009, do 8 de xaneiro, do seguinte xeito:

a) Tras a sinatura do presente convenio poderán realizarse pagamentos parciais a conta, ata un máximo de 101.091,68 € (80% da cantidade subvencionada), do seguinte xeito:

1º. A cantidade de 25.236,46 € (80% dos 18.000 primeiros euros máis o 10% dos 108.364,60 € restantes), será satisfeita no intre no que se asine o convenio a Aldeas Infantiles SOS Galicia co obxecto de que se poidan cubrir custos por gastos inmediatos do funcionamento de Aldeas Infantiles SOS Galicia para o desenvolvemento das actividades subvencionables. O emprego desta cantidade xustificarase mediante as correspondentes facturas antes do derradeiro pagamento.

A este respecto, esta entidade queda exonerada de constituír as garantías a que fan referencia os artigos 62.3 e 67 do Decreto 11/2009, do 8 de xaneiro, por tratarse dunha entidade das características determinadas no artigo 65.4 f) do dito Decreto.

2º. Ata 75.855,22 € pagaranse a medida que se xustifiquen as actividades descritas a

subvencionar a través deste convenio.

b) A cantidade de 25.272,92 € restantes (20% da cantidade subvencionada), pagaranse unha vez xustificada a realización da totalidade da actividade subvencionada.

3. A actividade e os gastos que poidan ser subvencionables, deben xustificarse de conformidade ao previsto no Decreto 11/2009, do 8 de xaneiro. A tal efecto a Aldeas Infantiles SOS Galicia debe presentar:

a) Unha memoria de actuación xustificativa do cumprimento das condicións impostas na concesión da subvención, coa indicación das actividades realizadas e dos resultados obtidos e que debe incluír os seguintes apartados:

1º. Xustificación do gasto.

2º. Actividades realizadas.

3º. Recursos económicos, materiais e de persoal empregados.

4º. Valoración global.

5º. Accións de innovación e investigación.

b) Unha memoria económica xustificativa do custo das actividades realizadas, que conterà:

1º. Unha relación clasificada dos gastos e inversións da actividade, coa identificación do acredor e do documento, o importe, a data de emisión e, no seu caso, data do pago.

2º. As facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado anterior á documentación acreditativa do pago.

3º. Os documentos acreditativos dos gastos realizados con medios ou recursos propios e a indicación, no seu caso, dos criterios de reparto dos custos xerais e/ou indirectos incorporados na relación a que se fai referencia no ordinal 1º, agás naqueles casos nos que as bases reguladoras da subvención teñan previsto a súa compensación mediante un tanto alzado sen necesidade de xustificación.

4º. Os tres orzamentos que, en aplicación do art. 29.3º da Lei 9/2007, do 13 de xuño, deba solicitar cada unha das entidades beneficiarias cando o importe do gasto

subvencionable supere a contía de 15.000 euros no suposto de subministración de bens de equipo ou prestación de servizos por empresas de consultaría ou asistencia técnica, de diferentes provedores con carácter previo á contratación do compromiso para a prestación do servizo ou a entrega do ben, salvo que polas especiais características dos gastos subvencionables non exista no mercado suficiente número de entidades que o subministren ou presten, ou gastos anteriores á sinatura do convenio que se teñan realizados dentro do período que abrangue este.

A elección entre as ofertas presentadas, que deberán achegarse na xustificación, ou, se é o caso, na solicitude da subvención, realizarase de conformidade con criterios de eficiencia e economía, e deberá xustificarse expresamente nunha memoria a elección cando non recaia na proposta económica máis vantaxosa.

c) En canto aos custos salariais, a Aldeas Infantiles SOS Galicia deberá presentar, referida á mensualidade ou mensualidades polas que se solicita, a seguinte documentación:

1º. Relación nominal dos traballadores/as que se inclúen como xustificación das actuacións subvencionadas.

2º. Recibos de salarios

3º. Documentos 'Relación Nominal de Traballadores' e o documento de 'Relación de liquidación de cotizacións' correspondentes aos meses imputados

4º. Impresos de liquidación nominal do IRPF (modelos 111 e 190)

Todos os documentos anteriores deberán ir acompañados polo xustificante da transferencia ou cargo bancario correspondente que acredite a realización do seu pago.

A cantidade a imputar á actividade subvencionada será do 100% do gasto do persoal técnico, cando este dedica o total da xornada a desempeñar tarefas das actuacións subvencionadas; no caso de dedicación inferior á xornada contratada, o gasto imputado será proporcional á súa dedicación ás actuacións subvencionadas. A tal efecto se non se atopa diferenciado na nómina e nesta se inclúen outros conceptos retributivos, achegarase un cálculo xustificativo da imputación efectuada segundo o criterio de horas da actuación realizada en relación co total de horas traballadas.

A subvención cubre os gastos salariais e de Seguridade Social, polo que as liquidacións, complementos extrasalariais ou indemnización de fin de contrato non se poden imputar.

Tampouco serán subvencionables, as vacacións pagadas, pero non disfrutadas, nin as horas extras ou traballos realizados fóra da xornada habitual de traballo.

Nas baixas por IT e maternidade:

- No caso de substitución do traballador titular subvencionaranse os custos que ocasiona o traballador que substitúe ao traballador titular.
- No caso de que non se substitúa o traballador titular, o importe non usado deberá reintegrarse na súa totalidade (excepto a liquidación das pagas extras cando o convenio colectivo de aplicación recolla para este suposto a obrigatoriedade do seu pagamento.)

d) En canto á xustificación do cumprimento de estar ao corrente das súas obrigas tributarias e fronte á Seguridade Social, a Consellería de Política Social e Xuventude poderá consultar a través dos medios electrónicos dispoñibles os datos incluídos nos documentos que a continuación se indican elaborados polas administracións públicas agás oposición expresa da Aldeas Infantiles SOS Galicia, en cuxo caso deberá aportar a documentación acreditativa do cumprimento da dita obriga para o outorgamento da subvención:

1º. NIF da entidade.

2º. DNI ou NIE da persoa representante.

3º. Certificado sobre cumprimento das obrigas tributarias coa *Agencia Estatal de la Administración Tributaria*.

4º. Certificado sobre o cumprimento das obrigas coa Seguridade Social.

5º. Certificado sobre cumprimento das obrigas tributarias coa Administración pública da Comunidade Autónoma de Galicia.

No caso da imposibilidade da obtención dos citados datos poderase solicitar á Aldeas Infantiles SOS Galicia a presentación dos documentos correspondentes.

5. A xustificación comprenderá os gastos realizados e pagados entre o 1 de xaneiro de 2024 e o 30 de abril de 2024, e deberá presentarse na Consellería de Política Social e Xuventude con

data límite 22 de abril de 2024.

Aldeas Infantiles SOS Galicia, comprométese á presentación dos xustificantes de pago, relativos a custes salariais de 2024, que sexa imposible presentar en cada momento das fases de pagamento, no momento da xustificación final, así como os documentos xustificativos do gasto da seguridade social para o mes de abril, con data límite de presentación do 15 de maio de 2024, e o impreso de liquidación nominal do IRPF do segundo trimestre de 2024, no momento no que se realice a correspondente liquidación.

Aldeas Infantiles SOS Galicia, no momento da xustificación da execución total do proxecto e, en calquera caso, antes do derradeiro pagamento, presentará unha declaración de todas as axudas solicitadas para estas mesmas actuacións, tanto aprobadas ou concedidas como as pendentes de resolución, das distintas Administracións Públicas competentes ou das súas entidades vinculadas ou dependentes.

OITAVA.- FRAUDE, CORRUPCIÓN E CONFLITO DE INTERESES

Calquera persoa que teña coñecemento de feitos que puidesen ser constitutivos de fraude ou irregularidade, en relación con actuacións financiadas total ou parcialmente con cargo a fondos procedentes da Unión Europea no marco deste convenio, poderá poñer os ditos feitos en coñecemento do Servizo Nacional de Coordinación Antifraude (SNCA) da Intervención Xeral do Estado, nos termos establecidos na Comunicación 1/2017, do 6 de abril, do citado servizo, a través da canle habilitada na web:

-<https://www.igae.pap.hacienda.gob.es/sitios/igae/es-ES/Paginas/denan.aspx>, nos termos establecidos na Comunicación 1/2017, do 6 de abril, do citado servizo.

Así mesmo, a Consellería de Política Social e Xuventude pon á disposición da cidadanía unha canle de denuncias sobre irregularidades ou condutas de fraude, que terá a súa sede no Sistema Integrado de Atención a Cidadanía (SIACI).

A ligazón á canle de denuncias é a seguinte:

-<https://transparencia.xunta.gal/canle-de-denuncias>

Así mesmo, serán de aplicación ás actuacións subvencionadas a través deste convenio as

medidas contempladas no Plan Específico de Prevención de Riscos de Xestión e Medidas Antifraude da Dirección Xeral de Familia, Infancia e Dinamización Demográfica da entón Consellería de Política Social, que foi asinado o 12 de xaneiro de 2022.

A ligazón ao Portal é a seguinte:

[-https://transparencia.xunta.gal/c/document_library/get_file?
folderId=1792070&name=DLFE-47388.pdf](https://transparencia.xunta.gal/c/document_library/get_file?folderId=1792070&name=DLFE-47388.pdf)

Segundo o art. 6 da Orde HFP/1030/2021, de 29 de setembro, configúranse como actuacións obrigatorias para os órganos xestores, a avaliación de risco de fraude, o enchemento da Declaración de Ausencia de Conflito de Intereses (DACI) e a dispoñibilidade dun procedemento para abordar conflitos de intereses.

Os procedementos de adxudicación de contratos e de concesión de subvencións, que se poidan levar a cabo en virtude do programa que se subvenciona a través deste convenio, estarán sometidos á análise sistemática do risco de conflito de interese que regulan a DA 112ª da Lei 31/2022, do 23 de decembro, e a Orde HFP/55/2023, do 24 de xaneiro. Os pregos de contratación e a normativa reguladora da subvención vencellados ao PRTR deberán recoller unha cláusula do seguinte teor:

ANÁLISE SISTEMÁTICA DO RISCO DE CONFLITO DE INTERESE NOS PROCEDEMENTOS DE CONTRATACIÓN QUE EXECUTAN O PRTR

O presente procedemento de contratación está suxeito a análise sistemática e automatizada do risco de conflito de interese prevista na disposición adicional centésima décima segunda da Lei 31/2022, de 23 de decembro, e na Orde HFP/55/2023, de 24 de xaneiro, relativa á análise sistemática do risco de conflito de interese nos procedementos que executan o Plan de Recuperación, Transformación e Resiliencia.

De acordo co establecido no artigo 7 da Orde HFP/55/2023, de 24 de xaneiro, o órgano de contratación poderá solicitar aos licitadores a información da súa titularidade real cando a AEAT non dispoña desa información e así o indicase mediante a correspondente bandeira negra, tendo en conta a análise realizada a través de MINERVA. Este suposto non implicará a suspensión automática do procedemento en curso, pero a dita información deberá aportarse ao órgano de contratación no prazo de 5 días hábiles desde que se formule a solicitude de información. A falta desta información no prazo sinalado será motivo de exclusión do procedemento.

Os datos, unha vez recibidos, serán adecuadamente custodiados de acordo co Regulamento (UE) 2016/679 do Parlamento Europeo e do Consello, de 27 de abril de 2016 (Regulamento xeral de

protección de datos), e coa Lei Orgánica 3/2018, de 5 de decembro, de protección de datos persoais e garantía dos dereitos dixitais. A través do MINERVA, o responsable de operación levará a cabo un novo control ex ante do risco de conflito de interese, indicando, en lugar do licitador, os titulares reais recuperados polo órganos de contratación".

NOVENA.- COMPATIBILIDADE

Coa finalidade de evitar o dobre financiamento, estas axudas son incompatibles con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais da Unión Europea ou de organismos internacionais para para o desenvolvemento das mesmas actuacións obxecto do programa que se subvenciona a través deste convenio.

Queda prohibida a dobre financiación (artigo 188 do Regulamento Financeiro). As reformas e os proxectos de inversión financiados co MRR poderán recibir axuda doutros programas e instrumentos da UE sempre que a dita axuda non cubra o mesmo custo (artigo 9 do Regulamento MRR).

DÉCIMA.- XUSTIFICACIÓN E CONTROL

Aldeas Infantiles SOS Galicia deberá cumprir os compromisos esixidos na cláusula cuarta deste convenio e someterse ás actuacións de comprobación que a Consellería de Política Social e Xuventude a través da Dirección Xeral con competencias en materia de familia, infancia e dinamización demográfica poida requirirlle para a debida xustificación da axuda concedida e do cumprimento dos fins das actuacións a subvencionar a través deste convenio, ás de control financeiro que corresponden á Intervención Xeral da Comunidade Autónoma en relación coas subvencións e axudas concedidas e ás previstas na lexislación do Tribunal de Contas e do Consello de Contas.

DÉCIMO PRIMEIRA.- INFORMACIÓN BÁSICA SOBRE PROTECCIÓN DE DATOS PERSOAIS

1. As partes asinantes virán obrigadas en materia de protección de datos a cumprir co Regulamento (UE) 2016/679 do Parlamento Europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e a

libre circulación destes datos e polo que se derroga a Directiva 95/46/CE (Regulamento xeral de protección de datos); a Lei orgánica 3/2018, do 5 de decembro, de Protección de Datos Persoais e garantía dos dereitos dixitais, e demais disposicións vixentes sobre a materia, adoptando as medidas que resulten necesarias para cumprir as súas previsións e, en particular, para garantir a seguridade e integridade dos datos e a súa protección fronte a alteracións, perdas, tratamentos ou accesos non autorizados.

2. Os datos persoais e os consentimentos das persoas interesadas recadados no procedemento de concesión da subvención serán tratados na súa condición de responsable pola Xunta de Galicia-Consellería de Política Social e Xuventude, coas finalidades de levar a cabo a tramitación administrativa que se derive da concesión da subvención a través deste convenio.

3. O tratamento dos datos no procedemento de concesión da subvención baséase no cumprimento dunha misión de interese público ou no exercicio de poderes públicos, conforme a normativa recollida nas cláusulas do convenio e na ficha do procedemento incluída na Guía de Procedementos e Servizos e nas referencias recollidas en <https://www.xunta.gal/proteccion-datos-persoais>. Con todo, determinados tratamentos poderán fundamentarse no consentimento das persoas interesadas.

4. Os datos serán comunicados ás Administracións públicas no exercicio das súas competencias, cando sexa necesario para a execución do dito convenio ou para que os cidadáns poidan acceder de forma integral á información relativa a unha materia.

A fin de darlle a publicidade esixida ao procedemento, a publicidade dos datos identificativos das persoas interesadas, tendo en conta o Regulamento (UE) 2016/679 do Parlamento Europeo e do Consello de 27 de abril de 2016, estará suxeita ao cumprimento da normativa de transparencia, de subvencións coas limitacións que ao efecto procedan, a través dos distintos medios de comunicación institucionais dos que dispón a Xunta de Galicia como Diarios Oficiais, páxinas web ou taboleiros de anuncios.

5. As persoas interesadas poderán solicitar ante o responsable do tratamento o acceso, rectificación, limitación, portabilidade e supresión dos seus datos, así como opoñerse ao seu tratamento, a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común segundo se

recolle en <https://www.xunta.gal/exercicio-de-dereitos>. Contacto co delegado/a de protección de datos e información adicional en <https://www.xunta.gal/informacion-xeral-proteccion-datos>.

6. Aldeas Infantiles SOS- Galicia será responsable do tratamento dos datos e dos consentimentos das persoas interesadas de acordo co Regulamento (UE) 2016/679 do Parlamento Europeo e do Consello de 27 de abril de 2016 e a Lei Orgánica 3/2018, do 5 de decembro, tratará os datos coas finalidades e os usos exclusivamente precisos para a execución deste convenio, polo que non poderán ser usados para un fin distinto. Os datos persoais aos que teña acceso non serán comunicados a terceiros, nin sequera para a súa conservación.

7. As partes asinantes deste convenio garantirán a confidencialidade dos datos persoais aos que teñan acceso e de conformidade co disposto na Lei orgánica 3/2018, de 5 de decembro, de protección de datos persoais e garantía dos dereitos dixitais e no Regulamento (UE) 2016/679, do Parlamento Europeo e do Consello de 27 de abril de 2016.

8. A entidade esixiralle, tanto ao persoal propio como a aquel persoal voluntario que participe nas actuacións subvencionables, un compromiso de confidencialidade sobre aqueles datos aos que teñan acceso pola súa participación nestas actuacións.

DÉCIMO SEGUNDA .- COMISIÓN MIXTA DE SEGUIMIENTO

Para o seguimento e coordinación das accións previstas no presente convenio crearase unha comisión mixta e paritaria na que estarán representadas as partes asinantes. Esta comisión, que se reunirá por petición de calquera das partes, será o mecanismo de actuación conxunta para o seguimento e avaliación das actuacións estipuladas no presente convenio, e estará formada por dous representantes da Consellería de Política Social e Xuventude e dous representantes da Aldeas Infantiles SOS- Galicia designados polas persoas que representen a cada unha das partes, así como os seus suplentes.

A persoa que ocupe a presidencia será unha das persoas representantes da Administración designada pola persoa titular da dirección xeral con competencias en materia de familia, infancia e dinamización demográfica.

A persoa que ocupe a secretaría, así como a que asuma a súa suplencia, será unha persoa adscrita á dirección xeral con competencias en materia de familia, infancia e dinamización demográfica, designada pola persoa titular da Presidencia, que actuará con voz pero sen voto.

Como órgano colexiado a comisión someterase ás cláusulas do presente convenio e ao réxime establecido na Lei 40/2015, do 1 de outubro, do réxime xurídico do sector público, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

DÉCIMO TERCEIRA.- VIXENCIA

O presente convenio entrará en vigor desde a data da súa sinatura ata o 30 de abril de 2024.

Non obstante abranguerá as accións obxecto deste convenio que se realicen pola entidade desde o 1 de xaneiro de 2024.

Poderá prorrogarse por acordo expreso das partes por un período que non poderá ser superior a un mes, todo isto condicionado á existencia de crédito axeitado e suficiente no exercicio corrente.

DÉCIMO CUARTA.- NATUREZA XURÍDICA E CUESTIÓN LITIXIOSAS

1. O presente convenio terá carácter administrativo rexéndose nos seus efectos polo establecido nas súas cláusulas, polo disposto na Lei 38/2003, do 17 de novembro, xeral de subvencións, e no Real Decreto 887/2006, do 21 de xullo, polo que se aproba o seu Regulamento; na Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro. No seu defecto, para resolver as lagoas e dúbidas que puideran presentarse, rexerase polo establecido na Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro do 2014, así como pola Lei 40/2015, do 1 de outubro, de Réxime Xurídico do Sector Público.

2. Con respecto á financiación con fondos europeos rexerase polo Regulamento (UE) 2020/2094 do Consello de 14 de decembro de 2020 polo que se establece un instrumento de Recuperación da Unión Europea para apoiar a recuperación tras a crise da COVID-19, o Regulamento (UE) 2021/241 do Parlamento Europeo e do Consello de 12 de febreiro de 2021

polo que se establece o MRR, o Real Decreto-lei 36/2020, de 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia, o Plan de Recuperación, Transformación e Resiliencia de España aprobado na data 16/06/2021 pola Decisión de Execución do Consello, a Lei 9/2021, de 25 de febreiro, de simplificación administrativa e de apoio á reactivación económica de Galicia, a Orde HFP/1030/2021, de 29 de setembro, pola que se configura o sistema de xestión do Plan de Recuperación, Transformación e Resiliencia, a Orde HFP/1031/2021, de 29 de setembro, pola que se establece o procedemento e formato da información a proporcionar polas Entidades do Sector Público Estatal, Autonómico e Local para o seguimento do cumprimento de fitos e obxectivos e de execución orzamentaria e contable das medidas dos compoñentes do Plan de Recuperación, Transformación e Resiliencia, así como o Regulamento (UE, Euratom) 2018/1046, do 18 de xullo de 2018, sobre as normas financeiras aplicables ao orzamento xeral da Unión (Regulamento Financeiro).

3. As cuestións litixiosas xurdidas acerca da interpretación, modificación e resolución serán resoltas pola Consellería de Política Social poñendo os seus acordos fin á vía administrativa. Contra elas cabe recurso potestativo de reposición ante o mesmo órgano que ditou a resolución, segundo o previsto no artigo 124 da Lei 39/2015, do 1 de outubro, do Procedemento Administrativo Común das Administracións Públicas, no prazo dun mes se a resolución fose expresa. Se o acto non fora expreso, poderá interpor recurso de reposición en calquera momento a partir do día seguinte a aquel en que se produza o acto presunto, ou poderá interpoñer directamente recurso contencioso-administrativo, no prazo de dous meses contados desde o día seguinte á notificación do acto que poña fin á vía administrativa, se este fose expreso. Se non o fora, o prazo será de seis meses e contarase, para o solicitante e outros posibles interesados, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Para tales efectos o tribunal competente será o Tribunal Superior de Xustiza de Galicia.

DÉCIMO QUINTA.- CAUSAS DE RESOLUCIÓN E EFECTOS DA MESMA

Serán causas de resolución do presente convenio:

- a) Incumprimento total ou parcial de calquera das cláusulas que o regulan.
- b) Pola aplicación dos fondos a fins distintos dos que motivaron a súa concesión.
- c) Polo transcurso do tempo fixado sen que se execute a inversión obxecto da subvención.
- d) As establecidas nos artigos 32 e 33 da Lei 9/2007, do 13 de xuño, procedendo, se fose o caso, o reintegro total o parcial da axuda percibida e dos xuros de mora devindicados dende o momento do seu pagamento ata a data na que se acorde a procedencia do reintegro.

De resolverse o convenio, a Consellería de Política Social e Xuventude, poderá exixir o reintegro das cantidades achegadas. Igualmente, de conformidade co disposto no artigo 17.3 da Lei 9/2007, do 13 de xuño, procederá ao reintegro do exceso percibido no suposto de que o importe da axuda, illado ou en concorrencia con outras subvencións, axudas, ingresos ou recursos supere o custo da actividade subvencionada.

En canto aos efectos estarase ao establecido no artigo 52 da citada Lei 40/2015, do 1 de outubro.

DÉCIMO SEXTA.- COMUNICACIÓN, DIVULGACIÓN E PUBLICIDADE

1. O presente convenio será obxecto de publicidade e inscrición de conformidade co disposto no artigo 15 da Lei 1/2016, do 18 de xaneiro, e no Decreto 126/2006, do 20 de xullo, polo que se regula o rexistro de convenios da Xunta de Galicia.
2. Así mesmo, será obxecto de publicación e inscrición en cumprimento do disposto no artigo 17 da Lei 1/2016, do 18 de xaneiro, o artigo 15 da Lei 9/2007, do 13 de xuño, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.
3. As partes asinantes autorizan a publicidade dos seus datos persoais e demais

especificacións recollidas no presente convenio no Portal de Transparencia e Goberno Aberto.

De conformidade coa Lei 38/2003, do 17 de novembro, o instrumento de colaboración e a información sobre a subvención serán comunicados á Base de Datos Nacional de Subvencións.

E, en proba de conformidade cos termos do convenio, as partes comparecentes asinan o presente convenio no lugar e data da sinatura dixital.

POLA CONSELLERÍA DE POLÍTICA
SOCIAL E XUVENTUDE,

POR ALDEAS INFANTILES SOS- GALICIA

A conselleira

O director territorial

(...)

(...)

ANEXO I

Cadro económico

1.1 CADRO XERAL

Tipo de custo	Ano 2024 (4 meses)	Ano 2024 (4 meses)	
		ALDEAS INFANTÍS SOS GALICIA	CONS. DE POLÍTICA SOCIAL E XUVENTUDE
A) Custos tramo fixo	75.430,85 €	12.090,25 €	63.340,60 €
a.1) Custo de persoal	61.580,85 €	12.090,25 €	49.490,60 €
a.2) Custos indirectos	13.850,00 €	0,00 €	13.850,00 €
B) Custos tramo variable	77.082,66 €	14.058,66 €	63.024,00 €
b.1) Custos da dedicación exclusiva da familia acolledora	50.294,35 €	10.814,35 €	39.480,00 €
b.2) Custos de manutención de 30 nenos, nenas e adolescentes acollidos	26.788,31 €	3.244,31 €	23.544,00 €
TOTAIS	152.513,51 €	26.148,91 €	126.364,60 €

1.2 DETALLE CADRO DE PERSOAL

Categoría profesional	Salario anual (con pagas)	Complementos	Seguridade social	Outros	TOTAL
1b. Educadora Social	7.241,56 €		2.701,84 €		9.943,40 €
1b. Acolledora Especializada	7.702,88 €		2.873,96 €		10.576,84 €
1b. Acolledora Especializada	7.702,88 €		2.876,96 €		10.579,84 €
1a. Psicóloga	7.893,88 €		2.945,20 €		10.839,08 €
1b. Traballadora Social	7.874,04 €		2.937,80 €		10.811,84 €
1a. Pedagoga	7.893,88 €		2.807,04 €		10.700,92 €
1b. Acolledora Especializada	7.702,88 €		2.873,96 €		10.576,84 €
1b. Acolledora Especializada	7.702,88 €		2.873,96 €		10.576,84 €
1b. Acolledora Especializada	7.702,88 €		2.873,96 €		10.576,84 €
2. Administrativo	6.230,32 €		2.324,48 €		8.554,80 €

1.3 CADRO DE FITOS E OBXECTIVOS

Plan estratéxico	Planificación de Fondos Europeos	Actividade	Indicador	Fito
MR 2021-2026	Fito 325 CID		Control convenios asinado entre Ministerio e Consellería	T4 2025

ANEXO II

Modelo de declaración de cesión e tratamento de datos en relación coa execución de actuacións do plan de recuperación, transformación e resiliencia (PRTR)

Don/Dona....., DNI....., como director/a territorial da entidade....., con NIF....., e domicilio fiscal en

.....beneficiaria de axudas financiadas con recursos provenientes do PRTR que participa como titular no desenvolvemento das actuacións obxecto do programa convenio para a promoción e o apoio ao acollemento familiar especializado con dedicación exclusiva de nenos, nenas e adolescentes en situación de desprotección, no desenvolvemento das actuacións obxecto do convenio no desenvolvemento de actuacións necesarias para a consecución dos obxectivos definidos no compoñente 22 "Plan de choque para a Economía dos Coidados e Reforzo das políticas de igualdade e inclusión" e investimento I2 "Plan de Modernización dos Servizos Sociais: Transformación tecnolóxica, innovación, formación e reforzo da atención á infancia", declara coñecer a normativa que é de aplicación, en particular os seguintes apartados do artigo 22, do Regulamento (UE) 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia:

1. A letra d) do apartado 2: «recadar e asegurar, a efectos de auditoría e control e para dispor de datos comparables sobre o uso de fondos en relación coas medidas destinadas á execución de reformas e proxectos de inversión no marco do plan de recuperación e resiliencia o acceso ás categorías harmonizadas de datos seguintes:

- I. O nome do perceptor final dos fondos;
- II. Os nomes, apelidos e datas de nacemento dos titulares reais do perceptor dos fondos, segundo se define no artigo 3, punto 6, da Directiva (UE) 2015/849 do Parlamento Europeo e do Consello;
- III. Unha lista de medidas para o desenvolvemento das actuacións obxecto deste convenio no marco do plan de recuperación e resiliencia, xunto co importe total do financiamento público de ditas medidas e que indique a contía dos fondos desembolsados no marco do Mecanismo e doutros fondos da Unión».

2. Apartado 3: «Os datos persoais mencionados no apartado 2, letra d), do presente artigo só serán tratados polos Estados membros e pola Comisión para os efectos e duración da correspondente auditoría da aprobación da xestión orzamentaria e dos procedementos de control relacionados coa utilización dos fondos relacionados coa aplicación dos acordos a que se refiren os artigos 15, apartado 2, e 23, apartado 1. No marco do procedemento de aprobación da xestión da Comisión, de conformidade co artigo 319 do TFUE, o Mecanismo estará suxeito á presentación de informes no marco da información financeira e de rendición

de contas integrada a que se refire o artigo 247 do Regulamento Financeiro e, en particular, por separado, no informe anual de xestión e rendemento».

Conforme ao marco xurídico exposto, manifesta acceder á cesión e tratamento dos datos cos fins expresamente relacionados nos artigos citados.

....., de de 202.....

Asdo.

Cargo:

ANEXO III

Modelo declaración de compromiso en relación coa execución de actuacións do plan de recuperación, transformación e resiliencia (PRTR)

Don/Dona, con DNI, como director/a territorial da entidade....., con NIF....., e domicilio fiscal enna condición de beneficiaria de axudas financiadas con recursos provenientes do PRTR que participa como titular no desenvolvemento das actuacións obxecto do programa para a promoción e o apoio ao acollemento familiar especializado con dedicación exclusiva de nenos, nenas e adolescentes en situación de desprotección, no desenvolvemento de actuacións necesarias para a consecución dos obxectivos definidos no compoñente 22 "Plan de choque para a Economía dos Coidados e Reforzo das políticas de igualdade e inclusión" e investimento I2 "Plan de Modernización dos Servizos Sociais: Transformación tecnolóxica, innovación, formación e reforzo da atención á infancia", manifesta o compromiso da entidade que representa cos estándares máis esixentes en relación co cumprimento das normas xurídicas, éticas e morais, adoptando as medidas necesarias para previr e detectar a fraude, a corrupción e os conflitos de interese, comunicando no seu caso ás autoridades que proceda os incumprimentos observados.

Adicionalmente, atendendo ao contido do PRTR, comprométese a respectar os principios de economía circular e evitar impactos negativos significativos no medio ambiente («DNSH» polas súas siglas en inglés «do no significant harm») na execución das actuacións levadas a cabo no marco do devandito Plan, e manifesta que non incorre en dobre financiamento e que, no seu caso, non lle consta risco de incompatibilidade co réxime de axudas de Estado.

....., de de 202.....

Asdo.

Cargo:

ANEXO IV

DECLARACIÓN DE AUSENCIA DE CONFLICTO DE INTERESES (DACI)

(Presentar pola entidade conveniente)

ENCAIXE: "C22.I2.P2.S7"

DENOMINACIÓN DO SUBPROXECTO: Modernización, dixitalización e mellora dos servizos de protección, atención e acollemento da infancia

DENOMINACIÓN DA ACTUACIÓN: Modernización, dixitalización e mellora dos servizos de protección, atención e acollemento da infancia (Proxecto acollemento familiar especializado con dedicación exclusiva para o período de xaneiro a abril de 2024)

FONDOS EUROPEOS: Plan de Recuperación, Transformación e Resiliencia – financiado pola Unión Europea – NEXTGENERATIONEU

Convenio: convenio de colaboración nos meses de xaneiro a abril de 2024, entre a Consellería de Política Social e Xuventude e Aldeas Infantiles SOS Galicia para o programa da promoción e o apoio ao acollemento familiar especializado con dedicación exclusiva de nenos, nenas e adolescentes en situación de desprotección

Don/Dona....., DNI....., como director/a territorial da entidade....., con NIF....., e domicilio fiscal en

parte asinante do dito convenio, ao obxecto de garantir a imparcialidade no convenio arriba referenciado, o/os abaixo asinante/s declara/declaran:

Primeiro. Estar informado/s do seguinte:

1. Que o artigo 61.3 «Conflicto de intereses», do Regulamento (UE, Euratom) 2018/1046 do Parlamento Europeo e do Consello, do 18 de xullo (Regulamento financeiro da UE) establece que «existirá conflito de intereses cando o exercicio imparcial e obxectivo das funcións véxase comprometido por razóns familiares, afectivas, de afinidade política ou nacional, de interese económico ou por calquera motivo directo ou indirecto de interese persoal».
2. Que o artigo 64 «Loita contra a corrupción e prevención dos conflitos de intereses» da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, define o conflito de interese como «calquera situación na que o persoal ao servizo do órgano de contratación, que ademais participe no desenvolvemento do procedemento de licitación ou poida influír no resultado do mesmo, teña directa ou indirectamente un interese financeiro, económico ou persoal que puidese parecer que compromete a súa imparcialidade e independencia no contexto do procedemento de licitación».
3. Que o apartado 3 da Disposición Adicional centésima décima segunda da Lei 31/2022, do

23 de decembro, de Orzamentos Xerais do Estado para 2023, establece que «A análise sistemática e automatizada do risco de conflito de interese resulta de aplicación aos empregados públicos e resto de persoal ao servizo de entidades decisoras, executoras e instrumentais que participen, de forma individual ou mediante a súa pertenza a órganos colexiados, nos procedementos descritos de adxudicación de contratos ou de concesión de subvencións».

4. Que o apartado 4 da citada disposición adicional centésima décima segunda establece que:

– «A través da ferramenta informática analizaranse as posibles relacións familiares ou vinculacións societarias, directas ou indirectas, nas que se poida dar un interese persoal ou económico susceptible de provocar un conflito de interese, entre as persoas ás que se refire o apartado anterior e os participantes en cada procedemento».

– «Para a identificación das relacións ou vinculacións a ferramenta conterá, entre outros, os datos de titularidade real das persoas xurídicas ás que se refire o artigo 22.2.d).III) do Regulamento (UE) 241/2021, de 12 febreiro, obrantes nas bases de datos da Axencia Estatal de Administración Tributaria e os obtidos a través dos convenios subscritos cos Colexios de Notarios e Rexistradores».

Segundo. Que, no momento da firma desta declaración e á luz da información obrante no seu poder, non se atopa/n incurso/s en ningunha situación que poida cualificarse de conflito de interese, nos termos previstos no apartado catro da disposición adicional centésima décima segunda, que poida afectar o procedemento de concesión de subvencións.

Terceiro. Que se compromete/n a poñer en coñecemento da comisión mixta de seguimento, sen dilación, calquera situación de conflito de interese que puidese coñecer e producirse en calquera momento do procedemento en curso.

Cuarto. Que coñece que unha declaración de ausencia de conflito de interese que se demostre que sexa falsa, carrexará as consecuencias disciplinarias/administrativas/xudiciais que estableza a normativa de aplicación.

(Data e firma, nome completo e DNI)

....., de de 202.....

Asdo.

Cargo:↓